

周

官

說

周官說補卷三

味經齋遺書四

莊氏學

天官

大宰

大宰若漢丞相

小宰

小宰若漢光祿勳

宮正上士二人

宮正宮伯佐小宰治宮中之令上士二人職在王

宮常日得休沐相代下二職同

膳夫

庖人以下四官屬膳夫膳人亦宜以文屬焉

庖人中士四人

共王之膳羞及祭祀之好羞賓客之禽獻四人分

職則事治

甸師下士二人

一在王藉一在膳府徒三百人不獨耕耨王藉以薪蒸役外內饗之事故也獸人以下四官屬甸師

醫師上士二人

一御于王一治其事相代食醫以下四官屬醫師

酒正中士四人

如庖人解酒人屬酒正兼人以下七官皆以支屬焉

宮人中士四人

兩兩相代故四人掌舍以下三官屬宮人

掌舍下士四人

從王者亦相代司士敘之

掌次

自膳夫至掌次如漢少府屬矣然大府司會皆得稽攷之也

大府下大夫二人

一受賄一受貨玉府以下三官屬大府玉府卽少府長矣

玉府上士二人

如宮正解

司會

司書以下四官屬司會司裘掌皮以文屬焉耳

內宰

解如宮正宮伯內小臣以下十八官皆屬內宰其士人奄人正屬也婦官則以文屬焉耳

寺人王之正內五人

鄭註正內路寢案燕寢也路寢掌于大僕若以爲寺人在此則燕寢反無寺人矣

女史

劉中義曰女史非有道藝而知禮者不可以爲之鄭氏以爲女奴曉書者非也蓋擇嬪御之賢者爲之與案必非嬪御爲之

以八柄詔王馭羣臣

大宰

詔若今之題奏矣

以九賦斂財賄

註元謂賦口率出泉也案九賦非口率出泉之謂  
卽九職所出之賦也邦中之賦一同之田賦四郊  
之賦三同邦甸十二同家稍二十同邦縣二十八  
同邦都三十六同

七日芻秣之式

前谿陳氏集說曰既有芻秣之式則委人軍旅共  
其委積薪芻凡疏材亦有灋式九式雖不及之而  
實不外于九式矣蓋周以井田制軍賦居者有積  
倉行者有裹糧人人自備官府不與知焉案十萬  
之師饋餉者七十萬家

三曰器貢

器貢謂如魯壺之屬昭十五年左傳樽以魯壺所謂薦彝器于王者是也

以九兩繫邦國之民

傳曰天子建國諸侯立家卿置側室大夫有貳宗士有隸子弟庶人工商各有分親此所以相維相繫而生養遂爭奪息倫理明也

凡邦之小治則冢宰聽之待四方賓客之小治

合于法則行不合于法則止

聽其致事而詔王廢置



國人皆曰不可而見不可焉則廢之

掌建邦之官刑

小宰

官刑卽大司寇官刑

以聽王命

不曰聽冢宰之命

凡獻征入于玉府

獻人

註鄭司農云獻征漁者之租稅案獸人獻人鼈人此三官者掌王郊百里之內田漁之地共用之餘任民取之此之謂澤梁無禁漁有征者卽獻人所

以共上用非漁者之租稅也

掌取互物 繼人

註互物謂有甲蒨胡龜鼈之屬滿博雅當也本應  
作市說文相當也不應从甘从兩

以役世婦 酒人

爲不文諸內官之綱

加籩之實菱芡棗脯

四籩之共惟棗與饋食複

加豆之實 深蒲醢醢 筍菹魚醢

四豆之實醢醢魚醢複

凡王之好賜共其貨賄 玉府

好賜兼外內言之也

凡王及冢宰之好賜予則共之

內府

註冢宰待四方賓客之小治或有所善亦賜予之  
案其足用長財善物者賞之卽冢宰之好賜予也  
四方賓客無所私交焉

掌邦布之入出以共百物而待邦之用

外府

此卽今採買是也

掌王后之命

內小臣

註或言王后或言后通耳案繫于王則莫非王之  
事雖有命必稟于王无攸遂之義也註不知此義

邪

及女宮之戒令 寺人

註女宮刑女之在宮中者案此說恐非王明齋辨  
論女宮之處似優

掌內外之通令 內豎

註內后六宮外卿大夫也案此據王之北宮內外  
不得闕卿大夫

掌弔臨于卿大夫之喪 世婦

必貴戚之卿大夫也

張縫棺飾焉

註喪大記曰飾棺君龍帷三池振容黼荒火三列  
黻三列素錦楮加僞荒纁紐六齊五采五貝黼嬰  
二黻嬰二畫嬰二皆戴圭魚躍拂池君纁戴六纁  
披六此諸侯禮也載匱之車以竹爲葢垂三面簷  
謂之三池簷上畫雉翟謂之振容又畫火黼黻於  
蒙葢之上別爲素錦幄以覆棺覆訖乃加葢以畫  
龍之帷帷之左右各綴三纁組繫連帷葢之中央  
置五采繒繒上飾貝其簷與帷相次之處尙有空  
缺懸銅魚於中謂之魚躍拂池六嬰又所以掩映  
帷葢也六戴六披又所以維持帷葢也與今之喪

束棺罩亦約畧相似

夏采掌大喪

掌下當有闕文染人掌染絲帛夏采掌染羽爲揄狄關狄二官皆無工當在冬官鍾氏職此特出入之法耳

地官

鄉老二鄉則公一人鄉大夫每鄉卿一人

三公六卿皆兼職

封人中士四人下士八人

奉使及治事

牧人下士六人

牧六牲分職

牛人中士二人下士四人

有共牲有任器

載師上士二人中士四人

分左右

春人奄二人女春拔二人奚五人

王明齋謂奚五人本管領刑女爲春拔之事者也

然則館以奉宗廟令奚自爲之故四十人邪

館人奄二人女館八人奚四十人

註鄭司農云館人主炊官也特牲饋食禮曰主婦親館發案以此禮觀之則不用女奴審矣

乃頒比灋於六鄉之大夫至大比則受邦國之比要小司徒

鄉則彌詳邦國則要

乃會萬民之卒伍而用之至以令貢賦

此治人之法

乃均土地以稽其人民而周知其數至惟田與追胥竭作

此以地治人之法



乃經土地而井牧其田野至凡稅斂之事

此治地之法比閭族黨以五起數者寄相保相受  
之令所以稽民數也五甸縣都以四起數者所以  
攷廣袤量徑輪以知地數也溝洫滄川所以稽溝  
澮徑涂之多寡因以作民而治之也 註通率二  
而當一是之謂井牧案天下之地衍沃隰臯爲多  
舉井牧以槩之耳若謂通率二而當一則上七則  
又何以爲善邪

及大比六鄉四郊之吏平教治正政事攷夫屋及其  
衆寡六畜兵器以待政令

小司徒之於六鄉四郊若小宰之於王宮也皆身親履行之矣重本故也前曰車輦此曰兵器互相備註四郊之吏吏在四郊之內主民事者按四郊六遂之吏也

辨其老幼貴賤廢疾馬牛之物

鄉師

又申舉馬牛二者

以歲時巡國及野而賜萬民之難阨以王命施惠以鄉師統野如身使臂民知其上之惠也

比共吉凶二服

至

鄉共吉凶禮樂之器

共如字

正月之吉受教灋於司徒 鄉大夫

教灋一曰比居二曰任職三曰立教四曰制刑五  
曰秩敘六曰簡稽七曰井牧以稽人民授田里教  
稼稽使居則相保作則相助以興其賢能而禁其  
奇袤于是乎教成焉

以歲時登其夫家之衆寡辨其可任者

至

皆征之

此謂力征也軍賦無過家一人不皆征也古征有  
三無口率出泉鄭君非也

鄉老及鄉大夫帥其吏與其衆寡以禮禮賓之  
衆寡鄉之士及其民

馬端臨曰古之稱賢能者皆不求聞達之士而後世之千薦舉者皆巧於奔競之人故古有不舉之罪後嚴謬舉之罰法之相反如此嗟乎天下有道士之賢者能者胡爲而不求聞達也不求聞達非得已也居亂世事闇君此白駒所以流連攷槃所以不顧也

國有大故則令民各守其閭以待政令

大司徒致民于王門其在鄉者則守其閭亦互相足

以歲時涖校比

黨正

註鄭司農云校比族師職所謂以時屬民而校登其族之夫家衆辨其貴賤老幼廢疾可任者及其六畜車輦如今小案比案并比其道德行藝與凡賢者能者

刑罰慶賞相及相共

族師

疏引鄭志趙商問族師之義隣比相坐康誥之說門內尚寬書禮是錯未達旨趣鄭答族師之職周公新制禮使民相共勅之法康誥之時周法未定又新誅三監務在尚寬以安天下先後異時各有云爲乃謂是錯案鄭君言非至理也從而爲之辭

耳夫罪有不相及者其惡在身雖父子兄弟不能  
化之使正也如石碯之於石厚棄疾李璿之於子  
南懷光是也有相及者其惡非一人所能獨爲非  
隣里佐助相與比周則立敗矣故令相及以孤惡  
人之黨類也如經所謂造言亂民之等是也

凡事掌其比類撻罰之事

問胥

侯以明之撻以記之書用識哉卽此釡撻罰之事  
工以納言時而屬之卽樂語教國子之法格則承  
之庸之卽敘進而升之司馬之法否則威之卽移  
郊移遂以至屏之遠方之法三代之政大體自唐

虞已然

有罪讀奇衰則相及比長

奇衰謂造言亂民之類也匿不以告故相及耳康  
誥曰父不慈子不祇兄不友弟不共不相及也而  
况於其比乎

封人掌設王之社壝爲畿封而樹之  
於易象爲革

牧人掌牧六牲而阜蕃其物

六牲總在牧人分於五官與庖人異職不相關也  
牛人掌養國之公牛以待國之政令

牛之用多而且大皆養之此官

凡賓客之事共其牢禮積膳之牛

有牛人共此則羊人豕人從可知此賓客之費之大者

載師掌任土之灋以物地事授地職而待其政令

地事農事也地職九職也

以廛里任國中之地至以大都之田任疆地

此註當詳攷元謂以下又註官田庶人在官者

其家所受田也案此可以知胥徒給繇役之非

凡任地國宅無征園廛二十而一近郊十一遠郊二



十而三甸稍縣都皆無過十二惟其漆林之征二十而五

此制公田與其廬舍也凡公田無過十畝而廬舍則有等焉在園廛則家征二分畝之一合兩家則二十而一也二十公田數也一畝則廬舍之征也農人出粟又曰屋粟旅師所斂之一也近郊家征一畝遠郊一畝又二分畝之一甸稍縣都無過二畝唯漆林則征二畝有半謂盡征之也其在邑之宅亦如是等以征之焉夫一井則公田百畝家授十畝則八十畝耳其餘二十畝家受二畝有半以

爲廬舍不盡征也園廛征五之一焉近郊征五之二焉遠郊征五之三焉自甸以下征五之四焉惟漆林則盡征之此之謂九一之法文王所以治岐也

凡宅不毛者有里布

至出夫家之征

謂授以職而不爲也註說謬王明齋論甚精

以時徵其賦

賦常賦也間師旅師受灋於載師載師以時督之也

凡任民任農以耕事貢九穀

至

任虞以澤事貢其物

大府九功此其註也

凡無職者出夫布

無職無常職之閒民夫布一人之力征也

凡役家一人歲三日

縣師掌邦國都鄙稍甸郊里之地域而辨其夫家人民田萊之數及其六畜車輦之稽

夫六鄉之吏其所掌者既詳且備矣縣師之設奚爲也曰此所掌者奇零之地也邦國之間有闕田焉有不以封者焉所謂版尹是也都鄙稍甸郊里皆有長吏而地不盡此也其規方之餘必有奇零

之數故以縣師掌其地域稽其人民也然縣師所職不出遠郊其外則稍人治之周公作經於此備陳之耳

凡造都邑量其辨辨其物而制其域

既造都邑則不屬縣師矣

遣人掌邦之委積以待施惠

委人不言施惠統於此也

凶札則無力政無財賦不收地守地職不均地政均

人

財賦田賦也兵賦則有之地職卽九職地職內已

有虞衡地守二字宜屬不均二字之下

以三德教國子師氏

大子庶子羣后之大子大夫元士之適子若庶子  
入小學保氏教之六藝入大學大司樂教之詩書  
禮樂既成出學入宿衛於王宮大子皆居東宮以  
羣后之適子庶子爲官屬諸子掌之司馬弗正師  
氏保氏教之以國中失之事以儲官才也三德及  
六藝六容帥初禮也其宿衛王宮者居八次八舍  
宮伯掌之有事則諸子作羣子從王  
凡祭祀賓客會同喪紀軍旅王舉則從

左氏隱莊五年傳則君不舉焉莊二十三年傳非是君不舉矣君舉必書皆謂會同巡守田獵之事杜子春云當爲與非也

朝在野外則守內列

其外列則司馬帥六師守之

司諫掌糾萬民之德

至

以行赦宥

此專職國中之民而糾戒之鄉遂之治則鄉遂之吏掌之此特攷之而已

司救掌萬民之衰惡過失而誅讓之以禮防禁而救之

此未麗於灋者若禁暴氏禁殺戮所掌則已麗於灋者也

凡民之有袞惡者至三罰而歸於圜土

此卽所謂象刑惟明

凡歲時有天患民病則以節巡國中及郊野而以王命施惠

施惠於萬民間師旅師遣人委人掌其出入之政令此特以王命詔有司耳有司不用命則詔大司徒大司徒以詔於冢宰以官刑誅之

凡遇而殺傷人者以民成之

謂人

若傷人見血而不以告者乃故也禁殺戮以告而誅之

凡殺人有反殺者使邦國交讎之

殺人過而殺人既辟之而又反殺者當如梟子厚之說

凡殺人而義者不同國令勿讎讎之則死

註義宜也謂父母兄弟師長嘗辱焉而殺之者如是爲得其宜案辱未可以殺人也若齊人殲于遂遂人不坐是已

凡娶判妻入子者皆書之

媵氏



或曰入子再嫁而攜其子入夫家者案左傳東郭  
姜以孤入喪服有從爲之服之文則入子古有之  
矣書之使不亂族也

司男女之無夫家者而會之

註無夫家謂男女之鰥寡者案無居室從人之端  
古亦謂之鰥寡伊川餓死失節之說取以况士大  
夫非真爲匹夫匹婦言也凡民當以此經爲斷

凡男女之陰訟聽之於勝國之社其附於刑者歸之  
於士

疏按詩召伯聽男女之訟於甘棠之下此周公未

制禮時也案其附於刑者歸之於士則不復在勝國之社矣且循行南國所到卽平遣之豈必待至勝國之社邪疏說迂矣

市之羣吏至而聽小治小訟司市

肆長平肆質人賈師展成奠賈司市聽大治大訟質人佐之胥師聽小治小訟賈師佐之

凡賣債者質劑焉質人

猶今之牙行立合同文書

凡治質劑者至期外不聽

攘訟卻獄亦當以期內言之其長弗達亦卽于期

內告于上

屨人掌斂市絜布總布質布罰布屨布而入於泉府  
絜布聞民之力征也絜助也助商買行貨者也總  
布賈之賦也居貨者所入故肆長斂之質布今出  
串錢也罰布犯令者之布也屨布商之在諸侯者  
無國征而居市屨故有賦也若有征者則不屨凡  
市之征商也賈也工也聞民也常賦也荒札則無  
征質布罰布無常賦雖荒札猶征之凡商之受田  
於司徒者有征若受田於邦國者有屨商之征上  
於關其屨則上於市孟子所謂屨而不征是也若

凶札則并免之以來商旅以裕百貨也所謂法而不屢也 註鄭司農云紵布列肆之稅布杜子春子春云總當爲儷謂無肆立持之稅也何氏曰紵布胥師所取在次之泉也總布肆長總斂在肆之泉也質布質人所稅質劑者之泉也罰布司市所舉犯市令者之泉也屢人本斂屢布而兼斂諸布者欲使知其物之稅不得取其地之稅也五布皆入於泉府將以斂市之滯貨也案如司農之說卽今門攤稅也如杜君之說今北方市集陳貨於衢立而爲市亦收其稅卽落地稅也周公制

禮未必如此苛碎當以何氏之說爲是然以罰布爲司市罰犯令者之泉按憲罰狗罰撲罰三等無罰泉之說帷帟蓋幕又爲夫人世子之罰亦不得爲泉恐此中猶有解說也

察其詐僞飾行債慝者而誅罰之

胥師

若今行家亦有罰規

名相近者相遠也實相近者相爾也而平正之

肆長

天官典絲典臬授事則以絲臬辨之受獻功則凡良功入典絲凡楛功入典臬亦名相近則相遠實相近則相爾之法

凡民之貸者與其有司辨而授之以國服爲之息泉

王昭明日息保息之息使民爲國服役以償所貸是民得以其力濟其急生息之也案此與潛溪之說同

歲終則會其出入而納其餘

納於外府

幾出入不物者正其貨賄凡財物犯禁者舉之司門

不物犯禁謂竊賄及盜器也鄭謂商所不資爲犯禁計商資之外貨物尙多豈得盡舉而沒之邪蓋

犯禁卽上不物舉之舉以證明之卽上正其貨賄也三句當作一串講

以其財養死政之老與其孤

養老及孤本有常用遺人所職此特其餘耳

凡貨不出於關者舉其貨罰其人

司關

亦謂竊賄盜器也舉謂獲得而舉以證明之以行其罰或泉或撲也若云沒其財而又撻其人後世亦不至此况周公之法邪

國凶札則無關門之征猶幾

亦謂屢也此孟子所謂法而不屢也

守邦國者用玉節守都鄙者用角節

掌節

此卽如今之印

以土地之圖經田野

至

皆有地域溝樹之

遂人

治民居之法

使各掌其政令刑禁

使遂師以下也

上地夫一屬

至

餘夫亦如之

註六遂之民奇受一屬雖上地猶有萊皆所以饒  
遠也疏奇受謂餘夫別有田有屬也對六鄉不言  
餘夫之屬萊餘夫亦如之者據餘夫應受之地而



亦配以萊也若云別有田有廬則與正農無異何  
爲餘夫奇如奇耦之奇猶獨也

凡治野夫間有遂至以達於畿

此治民田之法

凡事致野役

事軍旅田役之事

令爲邑者

當句而絕之不起下文也

若將用野民至則稽功會事而誅賞縣正

王明齋曰縣正猶鄉之州長唯作民而師田行役

掌其政令與其賞罰此一事語意皆同至於州長有正月之吉春秋社祭之讀瀛攷行有春秋州序之禮射而此乃缺如則遂大夫之興阡將安所稽乎是縣正亦當有序矣案此蓋互文無可疑者

而用之旅師

註而讀爲若案當屬上文爲句讀如字

委人掌斂野之賦斂薪芻凡疏材木材凡畜聚之物六鄉之工賈之賦則司市征之遠郊以外遂師以入于玉府以司市不能盡掌其征而市官亦不能徧設也至商之賦則由門者司門征之由關者司

關征之征於門者不征於關征於門關者不征於市皆有節以行之若邦國之商則市有廛而關無征也

凡糞種 至 輕農用火

謂以其骨若毛和草以化之簞之以待其朽腐乃以糞土和而踰之揚其灰以作田糞猶今用麻餅豆餅矣

川衡掌巡川澤之禁令而平其守以時舍其守

若今桃伏秋汛守防河隄矣

若以時取之 至 巡其禁令 升人

邦布不歲作金玉不歲取

祭祀共蜃器之蜃

註飾祭器之屬也鄭司農云蜃可以白器令色白  
案飾祭器蓋卽蜃螺填漆之器若云以蜃灰飾之  
令白何以異於白盛之蜃邪

場人掌國之場圃而樹之果蓏珍異之物以時斂而  
藏之

國語場協人凡粟米薪芻諸畜聚之物必有場以  
入之事在秋冬其無事則爲圃焉其樹之果者則  
林池以衛委積防兵與火也

舍人掌平宮中之政分其財守以灋掌其出入

舍人有米有粟平宮中之政王宮也北宮也外內  
朝冗食也司祿則給百官百執事之分頒稍食也  
其廩膾各不同

倉人掌粟入之藏

倉藏粟不藏米

若穀不足則止餘灋用

卽食不能人二鬴殺邦用也

以年之上下出斂灋

司稼

上年不加於十一凶荒則遞減也

掌均萬民之食而調其急而平其興

以公田之稼供之而不稅畝

祭祀共其盞盛之米賓客共其牢禮之米

春人

祭祀賓客之米既共於舍人矣春人復掌之者蓋米中有糲有鑿必由春人故分記之也

掌凡米事

舍人掌米粟之數倉人主粟春人主米館人熟而薦之於上稟人舉而頒之於下廩人則通計內外穀粟米之有餘不足而損益之也

春官

以禋祀祀昊天上帝

大宗伯

圓丘曰昊天上帝祈穀大雩明堂大饗曰上帝歲有五祭故亦曰五帝五帝皆祀天也大宰言五帝大宗伯言昊天上帝可知其互相備矣有時位之

別許見卷一而無青赤白黑之名迎氣非祀帝也王肅

馬昭之徒或云祭天用冬至日或云用冬至月記日郊之用辛也周之始郊日以至則是本用至日後以卜郊故用辛二說一也天地合祭非附會也北郊非典禮也後世不重社又惑於變置社稷之說疑社祭不足以當地祇則不窮經之故也漢郊

祀志已有南北郊復有孟春合祭則非禮也

五祀

門戶中霤井竈卽五行之屬非有他物也

以肆獻裸享先王

至

以烝冬享先王

註魯禮三年喪畢而禘於大祖明年春禘於羣廟  
案三年喪畢禫祭後也禘大禘也禘俟再期非明  
年也各當其禘之月不必春也禘於大廟非羣廟  
也羣廟之禘象殷制時祭名也時禘天子禘諸侯  
一禘一禘故有禘於羣廟之文

國有大故則旅上帝及四望



非時而用祭曰旅書召誥用牲于郊卽其禮也大  
故謂非常不必凶災也

辨廟祧之昭穆

小宗伯

國語曰工史書世宗祝書昭穆父子相繼則世異  
而昭穆異兄弟相及則世同而昭穆異也辨辨此  
也其兄弟相及或以叔父而繼兄弟之子者則一  
以父子之禮行之而昭穆不得不易矣

大祭祀展犧牲繫於牢頌於職人

肆師

註職讀爲機機可以繫牲者此職人謂充人及監  
門人案大祭祀之牲不授監門也職人五官之人

四圭有邸以祀天旅上帝

典瑞

祀天圓上也旅上帝祈穀也大雩也大饗也明堂也皆以旅著之嫌用玉有異故兩言之也

兩圭有邸以祀地旅四望

三社也四望五嶽四鎮四瀆也

宮室

典命

宮室皆掌於司里以班遷次

王之吉服

至

祭羣小祀則立冕

司服

註古天子冕服十二章王者相變至周而冕服九章案天子十二章上公九章當以虞書爲據鄭氏

以三辰畫於旌旗遂謂冕服止有九章於經傳無據不可從 陳氏集說毳冕五章說文獸細毛也宗彝有虎雉之飾而毳又有宗彝之章書謂之宗彝周禮謂之毳詩毳衣如芟毳衣如璊劉熙釋名以毳爲藻而鄭司農以毳爲芟衣與宗彝之制不合不足信也案毳細毛獸以細毛織縷而爲衣信乎其爲芟衣矣何疑邪若詩之毳衣如芟如璊言其色耳卽訓爲藻亦無不可

帥六宮之人共齎盛

世婦

每宮卿以下之人

凡內事有達於外官者世婦掌之

經云世婦掌之則內宰且不專達於外官也內小臣寺人內豎又何得達於外官乎其所謂內者王之北宮所謂外者王之燕寢也掌外內之通令此之謂乎爾鄭以外爲卿大夫非經意也

凡有功者居前

冢人

註居王墓之前處昭穆之中央案亦眡諸侯耳諸侯而又有功亦在諸侯之前未有處中央者先王之葬居中故也

甫龔遂爲之尸

註鄭司農云始窆時祭以告后土家人爲之尸案  
至今士大夫行此祭后土之禮

及窆以度爲丘隊共喪之窆器

不過侈大曰度家人以之共窆器者在司空之屬  
比祭墓爲尸

程伊川曰嘉樂不野合野合則用秬稗也故古者  
生不野合死不墓祭案古者牲殺器皿衣服不備  
不敢以祭祭必於宗室祭之重也如此今亦不可  
爲祭奠之云爾雖曰今不墓祭亦可王志長曰按  
鄭註並無祭祖攷之說後儒有爲此論者不知冢

人非同姓豈有祭祖攷而以之爲尸者哉事畢而祭其地祭地而彖人爲尸又何疑焉此謂祭墓非祭祖攷之說甚合經意但今人之掃墓 國家之上陵皆古人展墓之禮不可以爲祭也漢之國廟亦古人所有天文有虛梁星亦未可廢也

凡諸侯及諸臣葬于墓者授之兆爲之蹕均其禁皆同姓也功臣陪葬非古禮以其言族葬知之墓大夫掌凡邦墓之地域爲之圖

此宜在郊闕之內以授鄉人者六遂以往墓大夫授之灋而地有司掌之若地官媒氏亦祇掌國中

爾

職喪掌諸侯之喪至序其事

厚生正德一官而兼盡之聖人之設官不亦善乎  
凡公有司之所共職喪令之趣其事

否則不及私家之事而私家之人又不可以趨公  
有司則名存而實亡矣

大司樂掌成均之灋以治建國之學政而合國之子  
弟焉

此之謂樂正司業

凡有道者有德者使教焉

此之謂三老在學又曰父師司成明道先生劄子  
與禮合

以樂舞教國子 至 大武

鄭樵曰凡六舞六笙當時皆無辭故簡籍不傳惟  
師工以譜奏相授耳古之樂惟歌詩有辭笙舞則  
皆無辭案發言爲詩不聞無言之詩也舞若無辭  
則大武所咏歎者何 王應麟曰書言舞千羽先  
子後羽樂記言于戚羽旄謂之樂先于戚後羽旄  
郊特牲明堂位祭統皆先大武而後大夏詩簡衣  
先萬舞而後箛翟然則古人之舞皆先武而後文



益曰平難常先守成常後案武舞宜在先文舞宜  
在後

凡樂圓鍾爲官至則人鬼可得而禮矣

凡樂祀天神人鬼地示之樂也圓鍾爲官則仲呂  
爲商林鍾爲角無射爲徵黃鍾爲羽黃鍾爲角則  
夷則爲宮大蕤爲徵則林鍾爲宮姑洗爲羽亦如  
之三口同用旋宮法推之如黃鍾之宮黃鍾爲宮  
則以黃鍾起調畢曲爲宮調曲也南呂之宮大呂  
爲角以大呂起調畢曲爲角調曲也林鍾之宮大  
蕤爲徵以大蕤起調畢曲爲徵調曲也大蕤之宮

應鍾爲羽以應鍾起調畢曲爲羽調曲也宗廟以韶不以武廣所用之樂也

以教國子小舞

樂師

大舞則合衆人小舞自可一人爲之不盡同也如舞勺舞象小舞也六代之舞乃大舞也未可混舉

箏章

歆豳詩

歆豳雅

歆豳頌

雅爲燕享之樂頌爲祭祀之樂聲不容混孔子正樂正其聲也王志長乃定以生民諸篇思文諸篇則正詩非正樂矣豳詩八章安在無風雅頌邪

蕤氏掌共燹契以待卜事

蓋宿之而不熄者與故以官享之

凡卜以明火蒸爇

兼取之明火則陰陽具備矣

一曰巫更至九曰巫環筮人

巫如字讀

隋覺逆性逆尸大祝

先言隋覺逆性後乃逆尸則尸不在祿先入矣

設熬置銘小祝

註杜子春云熬謂重也案熬卽今始死之祭以罍貯之及壅并埋之於墓重則始死之神位古以木

爲之今以紙爲之及壘立木主大遣後焚於墓次  
凡邦國都鄙及萬民之約劑者藏焉以貳六官六官  
之所登 大史

六官二字衍支六官既登之又以登諸大史氏註  
云藏灋於約劑之書則約劑者今之律也

正歲年以序事

大史兼掌律歷

與羣執事讀禮書而協事

禮書所載委曲繁重古人竹簡翻閱非易疑某事  
卽取某事之禮與同官校讀之若今之儀制也

掌敘事之灋受納訪以詔王聽治

內史

正歲年以序事之灋也納訪以若時爲至要

一曰玉路錫樊纓十有再就

卽車

錫樊纓皆馬飾駕何等車則駕車之馬當何飾

金路鈎樊纓九就

鈎今名兜腮

鷲總

總今名轡首

王之喪車五乘

至

小服皆疏

天子遭喪其車服之敝惡與大夫士等至遞遠而

增飾終殊於大夫士也

毀折入齋於職幣

歲時更續一條宜入此下總言歲終合計多寡完好之數上則陳車待用下則斃及喪祭之執事也

典路

典路但主駕車不供別職

車僕

車僕但掌兵車之副車及爲大射之乏

大射共三乏

文反正爲乏射布曰正故矢所不及爲乏

及國之大閭

至

旂車載旌

司常

此未合軍而陳也各帥其民而致之司馬耳

周官說補卷四

味經齋遺書四

莊氏學

夏官

凡制軍至徒百人大司馬

王明齋曰六鄉七萬五千家六軍七萬五千人說  
是矣而猶未全也夫使王所以守國者止此六軍  
苟事變紛仍將何以爲備邪蓋鄉遂二百里之地  
爲田六十四同當有一百六十萬餘家以邛甸出  
車之法計之當爲五十餘軍矣苟謂一家出一人  
而有十二軍之衆則二百里內豈止十五萬家已



乎故以鄉而言約二十五軍遂亦如之案此可與  
小司徒遂人註參觀

司燧

火軍旅之大用以守則烽燧以攻則焚燎官職雖  
不言而微意遠矣周公之仁也

掌固

在國則有一國之固在軍則有一軍之固

司險

在國則依險以設守軍止則蔽焉敵不得窺軍行  
則達焉敵不得襲

掌疆

王畿四周非一官所能獨掌有守地吏士焉此官主修正之

候人

斥候軍之耳目羽翼也行師之際則此官之人不足用必有甲士徒卒成一軍焉而此官實主調度之也

環人

此掌一軍之選鋒及五閒之人凡軍中人之能其事屬焉官主其往反功過暇時則豫擇其人以待

用

擊壺氏

此官主軍旅之宿事所謂百官象物而勳軍政不  
戒而備此可見其一隅

射鳥氏

亦軍備也火攻兵謀達達託焉官主察之

羅氏

亦軍備也今有網城於天星畢爲罕車爲邊兵

司戈盾

註戈今之句子戟按子小枝也句向內鉤也

師帥執提 大司馬

註鄭司農云提謂馬上鼓有曲木提持鼓立馬髦上者案古人車戰無騎兵驅馬來轅去隊十二三尺安得有提持之鼓立馬髦上而鼓之司農所云相亦漢制於此經終欠剖晰也

軍吏載旗師都載旛鄉遂載物

熊虎爲旗此統大衆之旗也將大遂之兵則用之其屬將有孤卿則建旛大夫則建物言師都鄉遂者互見以相足也

險野人爲主易野車爲主

井田車戰相爲表裏未有廢井田而能行車戰者  
大役與慮事屬其植受其要

舉其屬以爲植而受其要若今之管工官也

司勲掌六鄉賞地之澹以等其功

賞地不出六鄉則無取於申呂以爲賞田者矣且  
必無僭賞矣

凡有功者銘書於王之大常

至

輕重祗功

凡羣臣有功者司勲等其功以詔司馬司馬以詔  
冢宰及王而定其賞內史書策以賜以方投有司  
唯軍賞不踰月其他則因祭而後傳命旣受命載

師授地及民致於司勳司勳掌其征入縣師作其賦以待國事凡諸侯之賞地取於閒田以給之司勳藏其貳凡王及冢宰賜予無常必眠其功司勳攷焉

凡受馬於有司者 至 其外否 馬質

更換也旬日內死馬內傷有疾非役使飼秣之過照所書之齒毛換給之過旬日死入馬耳以驗真偽半入所書之買而仍照齒毛換給之過二十日則養之不謹或役過其任與馬質無與矣

營軍之壘舍量其市朝州涂軍社之所里 量人

王明齋曰八陣之法中軍倍於四正四正倍於四隅游軍別存三之一營中大道縱橫各二所謂涂也其地分爲九所謂州也前有朝後有市左祖右社畧如國中之制安營皆然案據此安營與井法同

環四方之故巡邦國搏謀賊

環人

環四方之故偵探敵國也搏謀賊捕獲敵國偵探也

若有國事則拿其戒令

射人

三公孤卿大夫則射人戒之矣士有不能射則解

以疾公卿大夫諸侯無不能射者不能則不得爲公卿大夫諸侯也古之重射如此故以射人掌國之公孤卿大夫之位

掌國中之士治凡其戒令

司士

大夫以上射人掌之

凡邦國三歲則稽士任而進退其爵祿

其指貢士之諸侯言王明齋日記所謂進爵細地也但記專以習射言似於太拘案侯以明之唐虞之常法也何太拘之有

司右掌羣右之政令



羣右謂貳車從車倅車之右也王出則凡有爵者  
乘王之貳車軍旅則乘倅車倅車戎車之萃廣車  
闕車萃車輕車之萃車僕所掌也從車王出入皆  
有之不必軍旅有事則倅車亦從車無事則從車  
非倅車凡此三車馭夫掌其馭典路職其車射人  
作其乘司右屬其右

凡國之勇力之士能用五兵者屬焉掌其政令  
此則後世期門羽林之屬而古語戒之以勇則害  
上不登於明堂者也

弁師掌王之五冕 至 玉笄朱紘

工明齋謂冕旒皆十二玉有前無後但天子一百四十四玉獨垂於前其後無與相稱項頸皆爲牽掣服此者不亦難乎况有前無後亦不成體製更宜細攷也

諸侯及孤卿大夫之冕至而掌其禁令

禮運記曰冕弁兵革藏於私家非禮也釋名弁如兩手相合拊時也案加旒曰冕去旒曰弁則弁亦延也兩手相合上何以置延下抵亦何以置象骨據此可見大全弁圖之誤

司兵掌五兵至以待軍事

註等謂功沾上下鄭司農云五兵戈及戟酋矛夷  
矛案沾同楛下明有軍事建車之五兵則此五兵  
非專指五建矣

橐人掌受財於職金以齎其工

註齎其工者給市財用之直案如註當受之外府  
矣此財乃矢鏃耳古人尤慎金錫之用故特言職  
金也

乘其事試其弓弩

司空之屬既有工師監工攷之矣又以橐人覆攷  
之重弓矢也

詔贊王鼓

戎右

註既告王當鼓之節又助擊之疏謂助擊其餘面案戎右助鼓無所攷鼗鼓鼓軍事亦無餘面可擊凡田王提馬而走諸侯晉大夫馳

田僕

註提猶舉也晉猶抑也使人扣而舉之抑之皆止奔也馳放不扣王臨川曰提節之晉進之馳亟進之尊者安舒卑者戚速案諸侯大夫一放一扣殊非體制當從臨川作進

馭夫掌馭貳車從車使車

貳車四路之副其在戎車則曰倅從車公車卿大

夫從王乘公車卽巾車職中服車也春官車僕  
掌兵車之萃註以從車爲戎路田路之副知其非  
矣

校有左右 校人

左右是左校右校非一校分爲左右也

駑馬三良馬之數麗馬一圉八麗一師

良馬匹一人駑馬二匹一人良馬四圉有師駑馬  
六麗有師四圉四匹也六麗十二匹也與三良馬  
之數亦合

簡其六節 越馬

註節猶量也差擇王馬以爲六等疏卽上種戎齊道田驚六種是也王明齋曰六節謂行止進退馳驟之節疏以爲種戎齊道田驚此乃六物豈得爲六節且此專指贊正良馬安得以驚馬雜之案王說爲是

辨四時之居治

註居牧房所處案序蓋今之涼棚亦在廐中不在牧地冬則納馬於閑夏則繫馬於房也

巫馬掌養疾馬而乘治之相醫而藥攻馬疾

此爲騎乘之乘謂使人歷試以知其疾之所在而

或用藥或用鍼烙或用祈禳不然單馬豈可引車

邪

以阜馬佚特教駢攻駒

度人

特牡馬也性雄毅常時倍加拘繫至春而佚之用以息馬至秋而攻特則又繫而乘治調習之也

正校人員選

養馬之人且正其選况養民者乎

春除蓐

國師

射則充樞質茨牆則剪闢

馬性畏炎雖冬月不需蓐草除蓐者恐是除去牧地之宿草以生新草也其所除之草卽爲樞質茨

牆之用椹質盤草代侯也其法今尙行

乃辨九服之邦國 至 又其外方五百里曰藩服 職方

氏

其外方五百里以開方之法計算與禹貢亦合鄭  
漁仲曰禹貢五服職方九服雖若不同詳攷制度  
無不相合五服各五百里自其一面而數之九服  
各五百里自其兩面而數之也周之王畿卽禹之  
甸服各方千里禹貢甸服五百里據一面數之周  
畿千里不在九服之內王畿之外定制爲九服各  
五百里以兩面相方數之案鄭漁仲此言最詳悉



然則禹貢五百里自國都至交界處止也職方五百里自北界至南界兩界相接處止也實皆萬里也

### 秋官

朝士

有衆咸造勿褻在王庭以秋官之威儀可畏可象故耳漢執金吾司隸之官皆效秋官之屬爲之

### 野廬氏

官得其職則盜賊姦宄無所容矣保於逆旅以侵敝邑之南部者無有也以葱靈逃者無有也

蜡氏

官得其職則寃獄少矣

雍氏

官得其職則農狎其野賓入如歸而奸人猛獸不得施其毒蕪矣

萍氏

官得其職則水之決塞以道船人舟子之奸不行民多死之禍去大亂喪德輕生敗倫之罪省矣

司寤氏

寤不寐也此官主常覺寐則失職矣疏說誤姦盜

之罪多則職不修故也

司烜氏

火禁不厭詳密是以六官皆有職焉

修閭氏

官得其職則守閭互者皆勤力良善之人而樂執勞苦之役矣由比之者均而賞罰當也

今之刑名家所最重者人命盜案也其次則姦情鬪毆也其次則賭博飲酒也右數官之職修則爲惡事不便果爲之則罪人無所竄伏豈非良法美意哉

薤氏

註月令曰燒薤行水謂燒所芟草乃水之案卽火  
耕之法

伊耆氏

自冥氏至此各職所以肅清朝廷國中道路其幽  
僻不能一一手也

大行人

職方氏屬司馬而天下無專征之國大行人屬司  
寇而天下無專殺之侯

環人

夏官環人主偵探此環人主護衛

掌貨賄

官有史無府亦錄其幣書耳薦陳而輸受者惟宰  
及大府內府玉府也

以明刑恥之

大司寇

方施象刑惟明故謂之明刑

以兩造禁民訟

至

三日乃致於朝然後聽之

聽之慎也亦如此乎司寇在上以爲此不過聽之  
也百姓已有不得其所內於溝中者矣矧其刑殺  
之旣成乎先王之世聽亦害於民乎曰司徒敎官

也聽不可以有害司寇刑官也聽不可以無害舉  
陶爲大理則官府可設烏羅焉莫爲訟者况獄乎  
獄之慎於訟必待三日以此也夫兩劑今之原訴  
狀詞也

大祭祀奉犬牲

名正言順則無犬禍矣

以五刑聽萬民之獄訟

小司寇

五刑野刑以下五者也

及大比登民數

至

以制國用

民無不足無不贍者舉而之善故民之從之也輕

否則罔民之政爾

孟冬祀司民獻民數於王王拜受之以圖國用而進退之

言之重詞之複聖人之情見矣

歲終則令羣士計獄弊訟登中於天府

不中不登焉雖聖人未必無失舉以教國子使永爲戒焉師氏掌之

不用灋者罔有常刑

此讀書所以必用灋也情不允則輸之情允則成之灋可刑情不可刑不附也情可刑法不可刑不

成也

掌士之八成

士師

卽今之現行例也乃決獄之成案所謂在九刑不忘者

若祭勝國之社稷則爲之尸

刑官爲尸以示戒也

獄訟成士師受中

鄉士

前代以大理覆平允不允者駁正之卽士師受中之法也

以時修其縣瀆

方士



都家之未賜封者王亦設公士大夫治之謂之縣  
縣空而置之以待有功者其縣亦不屬縣士仍屬  
方士也

凡四方之有治於士者造焉

訝士

自大夫以上必告於天子士以下諸侯斷焉春秋  
書殺其大夫不書殺其士也

四方有亂獄則往而成之

非常所有

朝士

朝士於小司寇若官正宮伯於小宰亦若司士諸

子之於宰夫又若內史之於冢宰

凡士之治有期日

至

期外不聽

王平仲曰期外不聽者謂鄉士遂士等不能決及  
弊而民不服赴愬於士者故以遠近爲期限非鄉  
遂士等所上之獄成也案此解期外不聽甚當  
凡民同貨財者令以國瀆行之

後鄭訓同爲聚詩獸之所同亦訓爲聚

凡盜賊軍鄉邑及家人殺之無辜

註鄭司農云謂盜賊羣輩若軍共攻盜鄉邑及家  
人者王明齋曰盜賊賊犯旣明在軍若伍兩之長

在鄉邑若比閭之長在家若至親知而殺之又如  
昏莫爲盜而所在殺之皆不科罪使盜無所容也  
旅於上帝則共其金版饗諸侯亦如之

職金

記曰金次之見情也大饗饗賓皆有之卽此金版  
與凡庭實有二一爲賓獻之幣於聘享陳之一爲  
主國之幣於饗禮陳之傳言鄭享楚子庭實旅百  
是也

凡國有大故而用金石則掌其令

此則今之金匱也

司厲掌盜賊之任器貨賄

盜賊賊應給主先鄭謂沒入縣官者豈漢法如是

邪

凡囚者至以待斃罪掌四

桔槔而極大史公所謂關三木也

蠻隸至如蠻隸之事

征伐所得之人不逃死不棄命猶然忠義也諸隸  
各職兼衛王官俾知中華禮法亦無不可但役之  
應有期或三年或五年而歸之否則生長盤踞終  
爲害耳

凡傷人見血而不以告者攘獄者過訟者以告而誅

之禁殺戮

以見血爲重不告則尤不可攘劫也知有罪獄成不赦多方刼制使受寃之人不得控理猶今豪強專霸一方也蓋此經皆理未在官司者若云官文書追攝而不受則既在官矣過訟猶今訟師之受賄私和與

邦若屋誅則爲明竊焉

司烜氏

王明齋曰凡行刑必於朝市以警衆唯官刑以下不可以風故於屋中誅之卽勝國之社之屋也然幽暗行刑者無以見故爲之明竊竊穿穴也謂穿

屋以雷光若今名瓦然案專主官刑講有至理但  
司烜掌火或束炬然火謂之明竊未必穿屋雷光  
也

誓僕右曰殺誓馭曰車轅

條狼氏

疏僕大僕與王同車故大僕職云軍旅贊王鼓右  
勇力之士在車右馭與王馭車者案每車三人然  
則唯天子之車多一大僕爲四人與車廣六尺六  
寸祇容三人其隊四尺四寸置中軍之鼓暨矢箠  
弓鞬丁寧淳于鉦鑊已無隙地又彼註云贊王鼓  
謂助擊其餘面路鼓四面餘面在兩旁一當右一

當馭大僕如何助擊後云王射則贊弓矢註云謂  
授之弓矢弓矢言授鼓槌獨不可言授邪與王同  
車者謂天子之車惟大僕可乘卽指王出入自左  
御而前驅也非謂軍行之時四人同乘也

禁逕逾者與以兵革趨行者與馳騁於國中者  
修問  
氏

野廬氏主野修問氏主國中

寘氏掌設弧張

設卽張也張字自宜與弧相對不宜作虛字解古  
人張豈得雉門可張羅大抵指網罟之類爲是

庶氏掌除毒蠱至凡馭蠱則令之比之

與翦氏同職蟲皿爲蠱穀之飛亦爲蠱此詔倉廩之蠱故云凡馭蠱也

翦氏掌除蠱物至凡庶蠱之事

此主治府庫及藏典籍之所之蠱卽蟲皿之蠱也

若有大喪則詔相諸侯之禮大行人

吉禮則射人詔相之

凡諸侯之邦交歲相問也殷相聘也世相朝也

此王制與齊晉之伯所令不同

小行人掌邦國賓客之禮籍以待四方之使者



每國有籍待之不失其古常則遠人服而不貳

使適四方協九儀賓客之禮

小行人蓋通於行夫乃足充使

君館客客辟介受命遂送客從拜辱於朝

司儀

猶今之答拜而辭不敢當既辭即造門謝步也

凡行人之儀不朝不夕不正其主面亦不肯容

早晚失時咎在主賓不在行人矣行人之儀應以

東西正鄉爲解

掌貨賄

開

其所賚貨賄之可入市及國市之貨賄可通者此

宜皆掌其書與計也則可無以微文殺無知者五百人之患而不物之貨賄亦無自闕出矣古者聘弓簇矢不出竟易而諸侯之邦交則聘問之外有包苴之禮行焉講信修睦必賴於此又何禁焉鄭

曰諸侯若非朝聘之期以貨賄私相交通者王法所禁也

冬官攷工記

車軫四尺至謂之六等

以車之六等言自軫至會牙凡六以車之六建言自戈至夷矛凡六戈秘六尺六寸而云崇於軫四尺者以旣建而逸故也斜倚其戈止今崇於軫四

尺也餘兵俱直建

田車之輪六尺有六寸

古本作六尺有三寸

軹崇三尺有三寸也

註鄭司農云軹裏也案車軸端也

加軫與鞮焉四尺也

今車兩轅卽於轅上爲鑿立木置板名車箱此車  
一轅在中故兩邊各置一木名爲伏兔前承軌後  
承軫左右夾轅下含軸也按軫之方以象地又蓋  
弓四尺爲庇軫則四旁大木通名爲軫不特前後

兩端橫木矣

既其纒欲其蚤之正也 輪人

輪纒一寸謂踐地處削薄之如以刀割塗也蚤入牙中直透纒處少有偏側則薄而易敝故欲其蚤之正而鑿牙之時孔向外侵三分寸之二留一分不鑿恐輪纒削薄不堅故也

棹其漆內而中誦之以爲之轂長以其長爲之圍

以大穿置圍中則轂兩面徑五寸四分六釐六毫零壹徑三寸九分寸之五則轂兩面徑六寸有奇鑿深三寸半不盡爲底也

以其圍之防捐其藪

防虛白切餘也

參分其轂長二在外一在內以置其輻

外者齒始入轂之處也內者齒達空虛之處也凡

外二分內一分也

參分其股圍去一以爲散圍

股徑三寸半圍四之散圍徑一寸六分寸之一

直以指牙牙得則無槩而固不得則有槩必足見也

輻牙附固爪入牙處勢必用槩無槩而固者甚言

牙得之妙也今人爲輪爪入牙處少句其端謂之

句準既入鑿擊使附著於倨面下椽猶遵此制

弓長六尺謂之庇軹五尺謂之庇輪四尺謂之庇軫  
註庇覆也故書庇作秘杜子春云秘當爲庇謂覆  
幹也案幹旋斗也凡旋運者皆由幹謂軸端也

以其廣之半爲之式崇

輿人

式深尺四寸三分寸之二卽三分其隊而一在前  
也前後以軸爲度

參分較圍去一以爲軹圍

軹卽今車箱橫豎貫串之木通名爲軹

田馬之軹深四尺

軹人

與六尺有三寸之論崇相合

及其登陴

至

且無橈也

上坂之轅易亢伏其轅者以人力壓伏之使平而牛得以盡力也假令不伏其轅而任其揚起則必掣其牛之項故云縊其牛下坂之轅利轉援其軛亦以人力攀援留滯之否則逕直捷下能不縊其牛後邪轅曲則其病少減耶如玉人兩圭有耶之耶

良轉環滑

至

謂之國轉

滑字書音醮入嘯韻車旁漆文也楊慎云此攷工

所言澆若今所謂琴之斷紋梅花斷蛇腹斷之類也筋膠皆有澆別見弓人伏兔至軼尺四寸三分寸之二是伏兔至軼僅七寸無澆則半有澆矣則軼中有澆矣

十分其鈇至去二分以爲舞廣臧氏

自下而上謂之間自左而右謂之徑舞修卽舞徑舞廣卽舞間

爲臯鼓至倨句磬折韓人

磬折上短下長非中折也陳潛溪曰磬鼓倨曲磬折則中高而兩端下矣

鍾氏染羽至淳而漬之



以其洎清煮之使厚而浸漬之如醇酒之醇也似  
易曉

三入爲糲五入爲縑七入爲縑

上經取赤色也取黑色之法未講其有脫簡邪抑  
卽染人所載邪

凍帛 韓氏

字書同棟

清其灰而盪之而揮之

字書盪同漉竭器中水漿也

而沃之而盪之

註更渥淳之案渥淳謂以厚汁浸漬之也齋謂澣濯而絞乾之也

大圭長三尺杼上終葵首天子服之

玉人

方言齊人謂椎爲終葵終葵爲椎切音也古人以椎逐鬼故後人以此命名并有名終葵而字辟邪者今世遂以鍾馗爲辟邪之神終葵鍾馗音同而字異也

璧羨度尺

註羨猶延其袤一尺而廣狹焉案袤十寸十寸爲尺十尺爲丈十丈爲引廣八寸以廣之八寸爲廣

則八尺爲尋倍尋爲常

琮琬八寸諸侯以享夫人

此琮與類聘之琮同

夾其陰陽以設其比夾其比以設其羽

矢人

比今人謂之扣所以扣彘也夾其陰陽以爲扣謂  
箭筈當彘處半陰半陽不偏重也

刃長寸圍寸鋌十之

此另言殺矢亦得不然豈脫治氏之簡而重出邪

豆實三而成殼

旅人

計豆實四升棗一獻而三酬則一豆矣註豆當爲

斗則豆實一斗之說非是

外骨內骨至以爲雕琢梓人

樂縣以小蟲爲飾如旋蟲之類故補此章註云注  
鳴精列屬有鳴蜩蛻屬股鳴蚣蜻動股屬胸鳴榮  
原屬案注讀爲味喙也蜻蜩卽蟋蟀蜩蛻蟬也蚣  
蜻蝥別名能以股相搖作聲榮原蜥蜴守宮蛤蚧  
之類

凡攬網援箬之類必深其爪出其目作其鱗之而

上用正序此下用反貼以襯脂膏二獸不可爲虞

數兵同彊至是故侵之廬人

註改句言數容及無刃案上下文註云改句爲數

謂戈也

上註句兵戈戟屬

又註人手操細以數則疾操重

以刺則正然則爲矜句兵堅者在後刺兵堅者在  
前案字書矜矛柄也凡矜八觚之說恐非是

周人明堂

五室

匠人

明堂惟五室爲不可解耳若疑五室不可解而并  
疑明堂因明堂五室不可解而并疑考工天下無  
書可讀矣

廟門容大扇七个闔門容小扇參个

字書以木質鼎曰扇儀禮設扇鼎註今文扇爲鉉

古文𨾏爲密易作鉉禮作扇說文作𨾏古文借扇爲𨾏爾至𨾏乃與密同音故借密爲𨾏𨾏當从門不可與从鼎門聲之字相混

凡溝逆地防謂之不行水屬不理孫謂之不行

逆地防則岸善崩水衰則淤水盛則決凡爲溝當相度水力有餘而逆奪之則決不逆而引之則淤不行謂填淤及決溢也

凡行奠水磬折以參伍

凡水道廣宜折狹宜直狹則流疾疾故不淤也廣則流緩緩故不決也

車人爲車

駕牛之車車人所造駕馬之車輿人所造

羊車

元后傳太后御小馬車卽羊車也若晉武之以羊  
駕車宮人以竹葉飼羊特爲之戲耳

鬲長六尺

牛車兩轆兵車一轆轆端之橫木駕馬者曰衡駕  
牛者曰鬲

凡析幹射遠者用執

弓人

執卽曲意

居幹之道苗栗不弛則弓不發

幹既析而居之以待用苗栗卽所析之處倘居之久而敬邪偏倚爲弓則必發發者猶今之所謂反弦也

魚膠餌

餌稻餅也謂炊米爛而搗之不爲粉也

冰析澮

析澮謂既漆之後仍築定其體置大寒中視漆紋如環則早亦不動濕亦不動也

凡居角長者以次需至非弓之利



居者積角以備用長者取爲隈短者取爲梢言無  
棄材也竟角而短則淵梢相接之處不治雖用力  
引滿角仍有所縱弛故釋弦而矢去不疾竟角而  
長則淵梢相接之處過於挺勁雖用力引滿終如  
在槃未得手柔弓燥之用也下接菱解中有變申  
言引之則臂用力放則梢用力正謂手柔弓燥用  
今夫字亦恰合繩約弓於槃之繩詩所謂竹秘親  
滕也

苟有賤工必因角幹之濕以爲之柔

註濕猶生也案就其所生之曲直以爲材不事矯

也故謂之賤工

凡爲弓至宛之無已應

註鄭司農云敝讀爲蔽謂握持處案少儀弓則以左手屈韞執柎是柎爲把中側骨蔽者以物蔽護之所以柔手猶今弓把上之暖皮也

下柎之弓至末應將發

弓柎卑則放弦之際振觸其手而指掌與動至於指掌與動則淵弣相接之處亦爲之牽動矣弓至弣柎皆動如鳥羽之搖曳不定其放弦也有不發傷者乎發亦指反弦也未知是否

雜體防之引之中參

註弦居一尺引之又二尺疏此據唐弓大弓中者而言餘四者弛之張之雖多少不同及其引之皆三尺以矢長三尺須滿故也案投壺庭中廣矢長九扶扶廣四寸則長三尺六寸矣射侯之矢應加長三之一此云三尺恐有悞

豐肉而短 至 則莫能以愿中

危弓卽往體多之弓弱弓也安弓卽往來體若一與來體多之弓勁弓也危矢卽一在前二在後之矢安矢卽二在前三在後與三在前四在後之矢

其人宜用弱弓而易以勁弓勁弓宜用鏃重之矢  
而易以輕鏃之矢則翔而行緩故不能速中卽中  
亦不深其人宜用勁弓而易以弱弓弱弓宜用輕  
鏃之矢而易以重鏃之矢則俯而易墜故不能慤  
中

周官說補卷五

味經齋遺書四

莊氏學

大宰以八瀆治官府官府之制自王之北宮以達於  
四畿

大宰之府在外朝之左西面其屬小宰宰夫醫師南  
面於大宰之西其屬疾醫瘍醫獸醫大府北面於其  
南其屬玉府內府外府幕人掌舍掌次亦在焉司會  
南面於醫師之西其屬司書職內職歲職幣司裘掌  
皮

大司徒之府在外朝之右東面其屬小司徒鄉師封

人鼓人舞師充人載師閭師縣師遺人均人司諫司  
教訓人媒氏掌節送人南面於司徒之東其屬送師  
旅師稍人土均土訓誦訓角人羽人掌葛掌染草掌  
炭掌茶掌屨廩人北面於其南其屬舍人倉人司祿  
司稼

大宗伯之府在大宰之南西面其屬小宗伯肆師鬱  
人鬯人籩人司尊彝司几筵天府典瑞典命司服典  
祀職喪大卜南面於宗伯之西其屬卜師卜人龜人  
筮氏占人箬人占夢大祝北面於其南其屬小祝喪  
祝甸祝詛祝司巫大史在大卜西內史外史御史皆

在焉巾車在大祝西其屬典路車僕司常

大司馬之府西面於宗伯之南其屬小司馬軍司馬  
輿司馬行司馬司勳馬質量人小子羊人司燿掌固  
司險環人方相氏司甲在司馬之西南面其屬司兵  
司戈盾司弓矢北面其屬橐人校人在司甲西其屬  
趣馬巫馬牧師廋人圉人圉人趣馬以下馬出則在  
牧職方氏在司弓矢西其屬土方氏懷方氏合方氏  
訓方氏形方氏山師川師邊師匡人揮人

大司寇之府東面於司徒之南其屬小司寇士師鄉  
士遂士縣士方士訝士司民司刑司刺司約司盟犬

人朝大夫都則職金南面於司寇之東司屬掌戮司  
隸亦在焉布憲在其東禁殺戮禁暴氏司寤氏司烜  
氏修閭氏衛枚氏伊耆氏皆在焉大行人北面其屬  
小行人司儀行夫環人象胥掌客掌訝掌交掌察掌  
貨賄

凡六官之府在外朝之左右繚以周垣其內謂之朝  
百官于是圖國事焉庭中左右諸史贊治于其次其  
內曰館治事者會食焉曰府以藏典藉曰庫以藏貨  
賄皆有次舍令諸吏宿焉以序更國有故則令其長  
宿凡異宮者統於大府其宮室之度居三之二



后宮之內每宮九嬪一人世婦三人女御九人其餘  
九嬪三人世婦九人女御二十七人從后唯所燕息  
世婦內宗外宗分治於六宮酒人漿人籩人醢人醢  
人鹽人羶人女祝女史司服縫人春人饌人稟人居  
六宮之左右正寢之門外內小臣寺人內豎在焉

路門之外其東西面膳夫蒞焉其屬庖人內饗外饗  
亨人膳人食醫酒正亦在焉內宰在其南其屬典婦  
功典絲典臬染人追師屨人夏采大僕繼之西面其  
屬小臣祭僕御僕弁師宮人亦在焉其西東面宮正  
宮伯蒞焉師氏保氏諸子虎賁氏及其屬旅賁氏節

服氏射人及膳人繼而南戎右齊右道右繼大僕大  
馭戎僕齊僕道僕田僕繼射人凡當御者皆有次於  
路門之左右南面東西直門塾玉府司裘司服典瑞  
典命之當御者絜壺氏東于門大師大卜大祝大史  
內史御史之當御者西于門王在燕寢則從王於中  
門之外夕則宿焉從王者必待王命

治朝左右庭中大宰大宗伯大司馬之治室西面大  
司徒大司寇大司空則東面凡六官上治各于其室  
以待命司士蒞焉應門之外八次在焉周以八舍士  
庶子居之

雉門之外設兩觀左祖廟守祧守焉其東神倉其南則王府大府倉廩天府繼而東北面右社稷其西滌其南則武庫廄肆圍土繼而西各使其吏守焉司圜掌囚則在獄庫門之外司右馭夫隸僕在焉及典路車僕司常之當御者

其在外朝朝士蒞焉條狼氏則守外列自庫門至於路門皆有閹人虎士居門之左右北宮之北亦如之禁暴氏守其外列宮門及宮隅四夷之隸守焉

天子既成昏居東宮以國子爲官屬內圍在王宮之西服不氏射鳥氏羅氏掌畜庭氏及羣隸在焉

辟雍大司樂蒞焉其屬樂師大胥小胥大師小師鼓  
矇眡瞭典同磬師鍾師笙師鐻師鞀師旄人箛師箛  
章鞮屨氏典庸器司干靈臺馮相氏保章氏眡稷在  
焉

市司市蒞焉質人廛人胥師賈師司隸司稽胥肆長  
泉府各有分地統于司市司門在門司關在關

王藉甸師蒞焉獸人獸人鼈人草人稻人場人柞氏  
籬氏亦在焉圉人在遊圉牧人牛人在牧凌人在冰  
室豕人在先王之墓墓大夫在萬民之墓

鄉老鄉大夫州長黨正族師閭胥比長職六鄉遂大

夫縣正鄙師鄆長里胥鄰長職六遂凡山澤林麓皆  
統於遂人山虞澤虞川衡林衡迹人圻人各在其地  
家宗人家司馬家士在稍地都宗人都司馬都士在  
都

自國中達於四畿各因其方以設候人野廬氏亦如  
之掌疆在疆

蜡氏萍氏雍氏真氏穴氏甕氏哲蔣氏壺涿氏翦氏  
赤戈氏蝸氏無常所各就其事無過四郊

凡建候之灋一曰親親二曰敬故三曰報功四曰尊  
賢五曰崇德凡王者受命建其子弟爲諸侯甥舅亦

如之等其功爲之大小之數世子王則子弟咸食采於都大都百里次七十里次五十里下視附庸有大功德乃出封如諸侯之制甥舅亦如之凡諸臣有大功者爵於朝出封則加一等凡出封者錫之姓命之氏王之子弟曰同姓其甥舅曰異姓其他則曰庶姓始封之君子孫世世祖之凡二代之後各用其先世之禮樂入天子國則爲賓尊賢也凡明德之胄及上世百辟卿士之有功烈於民者秩其子孫而封之崇德也其繼世以適子旣冠則誓於天子下其君之禮一等君薨卽位三年喪畢受命於王而後服先君之

服行先君之禮未誓則以皮帛繼子男君薨請命而後卽位三年喪畢而受命於王未受命弗敢服諸侯之服弗敢行諸侯之禮諸侯無適擇當立者而請命於王若已受命則禮如適也先君未受命則攝主勿敢擬於適請命而後卽位凡卽位未踰年爲喪主既踰年則朝正於廟命百官于朝而復反喪服諸侯若以罪廢子賢則立之雖已受命先君未終勿敢擬于君無子則詢於衆庶選賢而立之必以其族而勿爲後也有子則廢主入廟非其子則否

此下札爛文滅闕百六十字下又闕十字凡闕百七

十字

闕而匡救其

王命大國三卿皆命於天子次

國三卿二卿命於天子一卿命於其君小國三卿一卿命於天子二卿命於其君下大夫每國五人上士



二十七人中士下士庶人在官者皆無數上公則設孤卿一人凡制軍王六軍大國三軍次國二軍小國一軍凡四方之刑禁刑新國用輕典刑平國用中典刑亂國用重典凡諸侯有罪牧伯以時糾之其大罪歸諸天子大夫有罪則放之其大罪則請于天子而后刑殺凡自庶士以下則斃其罪以期上中於司寇然後刑殺若大亂則殺之而後以聞凡制貢公之食者半侯伯食者參之一子男食者四之一以時貢於王及牧各以其所有凡任民以九職以時登其民數凡任地上公之國四鄉四遂大國三鄉三遂次國二

鄉二遂小國一鄉一遂餘以爲都鄙及公邑諸侯無事則時田三年而治兵連帥比年簡車卒正三年簡徒羣牧五年大簡車徒以待 凡邦國之守有四

一曰守地二曰守禮三曰守器四曰守政凡建邦國封其四疆設其五溝五涂 林澤而奠地守

焉其有相侵奪者正之凡邦國 五禮以其地之嫩惡爲之輕重之濶而行之其籍藏於宗廟凡分器頒寶玉於同姓之國頒遺物於異姓之國唯有功德者其賜無常凡建邦國司空授地司徒授民司馬授政各賦其地而頒政濶焉以時修之凡邦國之用以五

物九等辨其名物而制貢賦之則察其無藝者而止  
之凡邦交小國事大國比歲而問三歲而聘五歲而  
朝有事而會不協而盟于敵國則歲相問也殷相聘  
也世相朝也于小國朝而聘焉聘而問焉問而省焉  
凡諸侯同盟慶則相慶災則相弔宜慶不慶宜弔不  
弔牧伯有誅焉未同盟而慶弔焉可也雖不慶弔無  
罪焉爾唯赴告則通於天下凡小侯有四夷之功則  
獻諸牧伯牧伯受而告諸天子必有賜焉牧伯授之  
凡民功則以時獻之貢亦如之此九禮者所以佐王  
正諸侯兵不用而廣施德于天下者也

立政之道安世族爲難民之望也世族安則民從之  
安之若何一曰等其官二曰等其田三曰異其賢四  
曰察其能凡有爵則有職有祿則有事在國任官府  
在郊任鄉遂在野任都鄙辨其材而任之書其功而  
序進之無官降其爵以德進之無田降其祿以功益  
之乃立均瀆

凡隸農田不足而家過五人者以閒田益之蠲其租  
九分取一以爲公田不及五人會其民而合之否則  
爲餘夫田踰制而家過九人分諸子弟不及九人則  
均諸不足者皆蠲其租凡名田如制蠲其公賦十分

加一以授公田自倍己上子弟有室者分受焉耕其田者爲之傭無子則以族有服者爲之後而分受之若子其才則秩之下士由是以上秩中士上士族有餘子爲農者以其田分受焉否則授其耕之者而命之長之下大夫上大夫下卿上卿耕其田者爲之屬自卿以下皆有常隸自卿以上則有分地自邑已往焉耕其田者爲之民名田之等在大夫以上則以其子均之餘子爲長子六之四女子子爲餘子五之一女子子適人者餘子爲人後者不在數其租入之田五而當三以是爲漙而上下之

量地任民譜

司徒司馬匠人為司空遂人屬匠師慮司馬制游

授田制畿溝洫治涂民功闕之賦

萬有二溝二畛二九之三之為三千溝如下制  
六百畛亦如之畛如下制革車二十乘

有八終二千之九之二之為三百洫長二十四萬尺大分之二  
六十百夫治一洫凡三二萬四千尺二分之二萬二  
萬六千夫九分去一以千尺九分之二三百三十  
畝其民涂亦如之三尺三寸六分之二長終二洫  
洫二涂二洫長二萬四千尺二分之二萬二  
萬六千夫九分去一以千尺九分之二三百三十  
畝其民涂亦如之三尺三寸六分之二長終二洫馬二百匹

頃千田之十分洫十分道  
九之三之為三十六千  
夫治一溝道亦如之  
之三千尺二分之二萬六千尺二分之二  
四萬八尺二分之二萬六千尺二分之二徒四百人

二千三溝三畛三九之二之為五百溝如下制  
四十九凡五千四百畛如下制革車三乘

七千十夫畛亦如之  
洫廣八尺深八尺十之三  
七萬二千尺二分之二萬  
二千尺九分之二四千尺馬三十匹

百之成十分十分九之二之為五士二十人

之成十分十分九之二之為五士二十人

百之成十分十分九之二之為五士二十人

頃

田

三  
三  
三  
澗之  
涂之

十四百夫治一  
澗涂亦如之

涂廣十尺容一軌  
軌八尺長如澗

徒六十人

頃十六百三

田之通四

四  
溝

四  
畛

九之二之為七十二溝  
二萬四千尺二  
十夫治一溝凡七百  
多之萬二千尺九分  
之二十夫九分去一  
以千三百三十三尺三分  
致其長畛亦如之  
尺之一畛長終一溝

馬四匹  
土四人  
徒八人

頃七有十二

田之井三

三  
三  
三  
九  
遂  
九  
徑

三之三為單與澗  
徑至由夫九分去二  
以較其長徑亦如之  
十分十分  
溝之畛之  
一百八十分之五十二  
四

遂如下制  
徑如下制  
澗廣買深買十之三  
長七十二百尺二分之三  
于六百尺九分之四尺  
畛廣八尺容大車長如溝

十分賦之三

六百七十五畝

四分井之三

二遂

二徑

一夫

一分

遂長六百尺三之一

徑長如遂

夫二分

千分賦之七十五

三之三為十二夫治壤廣三尺深二尺長二千四百尺三分之八百

一遂凡十二夫九夫去尺二分之四百尺徑廣

一以驗其長徑亦如之四尺容牛馬長終一遂

夫二分遂長六百尺三之一

徑長如遂

夫二分

千分賦之七十五

命諸侯則大宗為儻命卿大夫士則小宗為儻內史

贊書遂貳之凡五禮之禁令小宗伯掌之有犯禁者

在諸侯則牧伯以時糾之入王則大行人正之王巡

守則小宗伯職方氏大行人參舉之正於司寇在諸

臣則小宗伯以時正之不用命者誅之在都鄙則宗

人正之在鄉遂則小司徒掌之凡諸侯之治其國亦



如之

司勳掌六鄉賞地之濫凡羣臣有功者司勳等其功以詔於司馬司馬以詔冢宰及王而定其賞命內史書策以賜受命者以方授有司唯軍賞不踰月其他則因祭而后傳命旣受命載師授地及民致于司勳司勳掌其征入縣師作民賦以待政令凡諸侯之賞地取於閒田以祿之司勳貳焉凡王及冢宰賜子無常必眡其功司勳攷焉凡有大功銘于大常祭于大烝必有約也藏于天府

馬質掌質馬凡五戎六狄之國以時市馬于中國者

馬質受其數辨其物而奠其成以其賈償之以待國  
用若良馬也則以授校人餘以令國市若獻馬則致  
于校人凡王之五路及其倅車戎事有命車校人以  
王馬駕治之凡傳車使車役車馬質以公馬授有司  
而駕治之有司自養焉而受布于司馬其反也則牧  
人養焉

量人掌建國之灋凡建王國司徒以土圭土其地而  
制其域匠人攷營國之灋以致衆庶而攷位焉量人  
制之位成量人攷其度以逆其事而書其數凡封國  
造都邑亦如之凡邦國之地與其餘數量人以狸步

制之遂書而藏之

匠人之記曰營國方九里旁三門國中九經九緯  
經涂九軌左祖右社面朝後市市朝一夫國不盡  
九里涂不盡九軌市朝不盡一夫目其可數者也  
度其實則以狸步制之掌于量人而屬諸司馬以  
大役則司馬處事故耳

小子掌祭祀羞羊肆羊殽肉豆凡祭祀唯大宰不奉  
牲司徒奉牛牲宗伯奉雞牲司馬羞魚牲司寇奉犬  
牲司空蓋奉豕牲羊人屬夏官而司馬不奉羊牲也  
小子之設代司馬也凡祈珥禳釁雜事之用牲職人

共之小子掌其牲事

古者之建官也有三一日王族二曰世族三曰俊民  
凡王族與世族教于國學與王太子同師九年出學  
宿衛于王宮宮伯掌之天子既冠成人以國子爲官  
屬諸子掌之師氏教之以蒞官之灋司士辨其能否  
小大書之於版以詔冢宰凡民之俊秀教于鄉學三  
年大比賓其賢者能者鄉遂之吏獻其書于王王拜  
受之登于天府內史冢宰貳之司士辨其材之小大  
以詔于王用之鄉遂魯之朝廷授之都鄙命之邦國  
凡諸侯之貢士亦如之

凡制祿之濫公卿大夫士有功者若世官也則有采  
邑司勳掌之不授祿于內外朝則橐人共其食凡公  
卿之適子庶子未受爵者亦如之凡制祿公卿大夫  
無邑者士庶人在官者工賈徒食五人胥食六人史  
食七人府食八人下士食九人中士倍下士上士倍  
中士下大夫倍上士卿四大夫祿皆有常數自上士  
以上有加命則賜邑自中士以下有加命則賜祿司  
士制之內史司會冢宰以詔于王書其命以授司祿  
司祿頒之

大司寇以肺石達窮民凡遠近惇獨老幼之欲有復

子王而其長弗達者立于肺石三曰士聽其辭以告  
者民有地域無旌節者不得行於天下窮民之達也  
有旌節矣過所則有司館而食之故無不達也孰予  
之旌節曰行人也其行道也乘傳車此達窮之令典  
也武氏竊之乃以待告密者漢時上變事者近似之  
夏官大僕有遮令皆得擊路鼓是以四海之廣如殿  
廷也其不實奈何曰此非窮民乃奸民也執而誅之  
所謂爲邦誣者也其薄物細故不當瀆天子則受之  
乎曰受之如所欲請不罪也曰罪其長乎曰如法送

民之心故也其陳事不可用則如之何曰可用則用之顯之不可用則容之雖諫也訕也有謝而無怒也周公訓之矣罪其長乎曰如法蔽主之明故也先王知壅蔽之傷國也故以肺石達窮民窮民達則上焉者可知已矣

凡諸侯朝覲宗遇會同于王大行人辨其位正其等協其禮賓而見之四方有大事則受其幣而聽其辭小行人逆勞于畿凡禮事爲承而擯其大客則賓而見之其小客則受其幣聽其辭凡賓客之儀司儀詔之其禮則掌客治之凡傳遽之小事行夫受其辭環

人掌送逆之凡國賓客至訝士訝之凡四夷之使象  
胥協其禮與其辭詔相其禮掌交巡邦國而和諸侯  
之好掌察巡邦國而察諸侯之慝掌貨賄掌受邦國  
之貢以漙受之入于大府凡王之幣獻入于玉府